

Inatsisartut suleriaasianni § 37 imm. 1 najoqqutaralugu Naalackersuisunut imaattumik apeqquteqarpunga:

Apeqqut:

1. Peqqinnissaqarfiup aaqqissuussaanerata kingorna¹, kina Peqqinnissaqarfimmut tunngasunut akisussaanerpaatut oqartussaava (instruktionsbeføjelse)? Suli akisussaasuuneq Peqqinnissaqarfimmut Naalackersuisuuppat tamanna ersarissumik akissutigeqquneqarpoq.
2. Namminersorlutik Oqartussat tassumalu ataani aqutsisoqarfiit, sulisussarsiuussinerni dansk-isuinnaq allassimasunik sulisussarsiuussisinnaatitaappat?
3. Nunatsinni Peqqinnissaqarfiup Dansk-isuinnaq sulisussarsiorsinnaatitaappat?
 - a. Nunatsinni Peqqinnissaqarfiup nittartagaq “www.gjob.gl” oqartussaaffigalugulu sulisussarsiuussinerit ikkussortarpaat?
4. Naalackersuisut apeqqutigineqartunut attuumassuteqartunik paasisutissanik allanik apuussassaqarpat?

(Inatsisartuni ilaasortaq Mette Arqe-Hammeken, Naleraq)

Tunngavilersuut:

Oqaatsinut politikki pillugu Inatsisartut inatsisaat² malillugu “...§ 3. Kalaallit oqaasii tassaapput Kalaallit Nunaanni pisortatigoortumik oqaasiusut pisortatigullu ingerlatsinermi atugaasut...” atuarneqarsinnaavoq.

Taamaattumik paaserusunnarpoq Naalackersuisut Peqqinnissaqarfimmut atatillugu oqaatsinut inatsit qanoq malinneraat.

Apeqqutigineqartut ullut suliffiusut qulit (10) iluanni akineqareersimanissaat piumasarineqarput. Nutsernerani paatsuungasoqassatillugu kalaallisut allassimasoq aallaavigineqassaaq.

¹ https://naalackersuisut.gl/Nyheder/2024/05/2805_tilpasning?sc_lang=da

² https://nalunaarutit.gl/groenlandsk-lovgivning/2010/ltl-07-2010?sc_lang=kl-GL